

# EXISTENTIA PACTICUM DÆMONE

CONTRA

WIERUM, BECKERUM, CHRIST. THOMASIIUM &c.  
INVICTE PROBATA.

*Ad Capp. 1. & 11. Tit. XXI. de Sortilegiis Lib. V. Decretal.*

954

**M**agiam nigram & omnem cum malo Genio pactiōem præter alios contra totius orbis iudicium negant ac pernegant Franc. Ponzinibus Jctus Italus, Joann. Wierus Medicus Hollandus, Cornelii Agrippæ de commercio cum Styge suspectissimi in pueritia Discipulus in *Tract. de Præstig. Dæm.* Reinaldus Scotus, nobilis Anglus in *detectione Art. Mag.* Balthasar Beckerus, Theologus Amstelodamensis in *Mundo fascinato*: & Christianus Thomasius, Jctus Halensis in *Thesibus inaug. de mine Magiæ*, in quibus Wieri rationes suas fecit. Contra quos in gemino prædisertationis capite agere constituimus: in priore quidem tenuem rationum levissimarum, quas negantes pacti Dæmoniacci existentiam congerunt, unum dissipabimus: in altero autem eandem invictis argumentis stabiliemus. Quis tamen impium isthoc pactum pro clariori rerum intellectu paucis illustrantem existimavimus.

## C A P U T I.

*Pacti Dæmoniacci natura & varietas explicatur, & rationes illud negantium diluuntur.*

**I.** Pactum Dæmoniaccū est hominis cum Cacodæmone conventio de aliquo effectu ope stygia obtinendo. Duplex statuitur, sc. *formale* seu *explicitum*, *tacitum* sive *implicitum*. *Formale* illud est, quod homo cum malo Genio in formabili comparente sciens volensque contrahit, vi cuius haud raro (non semper) homo paciscens Deo, Christo, ejusque Baptismo ac fidei abrenuntiat, seque Diabolo in perpetuum mancipium præstito singulari homagio devovet. *Tacitum* celebratur, quando homo sine expressa pactiōe opem ab humani generis hoste petit, aliquid familiaritatis ac commercii pro obtinendo certo effectu cum illo habet, quod per usum superstitiosum rerum, verborum, rituum, per vanam observationem rerum nihil ad finem conducibilem, vel implorando Magos, aut Pythoconsultando, aliisque sexcentis modis fieri solet.

§. II. Ex vero res, verba, ritus &c. pro superstitiosis habenda sunt, quæ ne ex suapte natura, neque ex supernaturali Dei ordinatione (quo benedictiones pertinent Ecclesiæ) vim ullam habent desideratum finem obtinendi; hoc ipso, quod homo mediis improporionatis vimque nullam naturalem, aut super-naturalem habentibus effectum ceu finem suum procurare studet, illum minime eo veluti Authore naturæ, aut gratiæ, sed à malo Dæmone, qui omnibus occa-sibus perdendi hominis, & in suas casses perducendi indefesse invigilat, ta-petit expectatque, ac vel ideo commercium cum Orco, & quandam familia-em exercet, taciteque paciscitur. Fines, quorum obtentu cæci mortales cum Diabolo ex-vel implicite paciscuntur, totidem sunt, quot inordinati, ac prædo-antes in illis furunt affectus, quos ope stygis explere cupiunt. Duo sunt, in quos

quos SS. Canones præprimis detonant, videlicet *Divinatio*, quæ est nociva curiositas futura & occulta sciendi, & *Magia*, quæ desiderium & ars est mira efficiendi aut re ipsa, aut apparenter per sensuum illusionem, ita ut putetur adesse, quod revera non adest, & contra.

§. III. Qui divinationibus vacant, nigram suam artem per inspectionem cuius corporis, puta terræ, aquæ, lapidis, astrorum, cadaverum, avium volantium aut garrientium, cespidis &c. &c. passim exercere solent, unde nomina: *Geomantia*, *bauruspicias*, *auguris*, & alia, quæ in Can. *Igitur* I. *Causa* 26. q. 3. & 4. per chronologice ordine leges, prodierunt. Qui Magiæ dediti sunt, alii materia, quæ versant, alii carminibus magicis, ignotis characteribus alii ad mira facienda utuntur. Qui vero sensibus solum illudunt, *Præstigiatores*: qui proximo sua arte nocent. *Malefici* appellantur. SS. Canones omnes, qui cum styge quovis modo communicant, fortilegorum nomine comprehendunt.

§. IV. Divinationi affinis est vana & superstitiosa observantia qua homines ex casuali & fortuito enascente eventu de futuro rei cujusdam successu, felicitate infelici temere arguunt. Exemplum ex van Espen. p. 3. *Jur. Eccl. Tit. 4. Cap. 2. n. 38* totidem illius verbis adscribimus, sic autem ille habet: *Hodie sat frequens est inter homines non vulgares est, qua creditur unus intra annum moriturus, si tredecim menses in mensa accumbunt, secus si majore vel minore numero sint.* Huc pertinent fortis Sanctorum, ut vocant, quos antiqua simplicitas fortibus Virgilianis substituit, innumeræ aliæ, quæ in superstitioso vulgo omnium Religionum dominantur. Differt igitur a Divinatione vana observantia in duobus: *Primum*, quod scilicet divinator superstitiosum signum, quo inspecto vaticinatur, ipse sibi ponat: aliter, quod nudam rei futuræ aut occultæ, præsentis præteritæve cognitionem sine habeat; vanus econtra observator signo sibi fortuito oblato utitur, & ad futurum quendam effectum e. g. mortem unius ex 13. commensalibus suam observationem dirigit. His prævie animadversis transimus ad inania argumenta, quibus præ nominati, de quibus Bodinus in præfatione *de Magorum Dæmonomania* scribit, quod eos Satanas inspiraverit, & subornaverit, ut in orbe, quæ de magis prædicantur, veluti fabulosa somnia divulgent, hominibusque id ipsum persuadere fatagant.

§. V. Primum Thomasius in citt. Thesibus §. 31. sequentibus profert: *Diabolus nunquam assumpsit, nec assumere potest corpus, ergo non potest fœdera corporalia inire, nec unquam corporaliter inire &c.* Falsitatem prioris propositionis plus minus facta in SS. Codicibus consignata ostendunt. A Satana speciem visibilem præsentis referente deceptam fuisse Evam narrat Moyses *Gen. 3.* Et Christum eodem tentatum refert Matthæus *Cap. 4.* Ad 1. R. det Beckerus: Evam equidem a Dæmone malo seductam fuisse, modum vero, quo id factum sit, haud sibi constare. At Scriptura clare modum explicat, malum scilicet genium in visibilis præsentis forma intelligibili voce Evæ locutum ad prævaricationem illam induxit. Ad 2. reponit Thomasius seponenda esse præjudicia puerilia, quamvis hæc a plurimis, qui debeant desiisse esse pueri, defensa: hoc est dicere: credi non debet, Diabolum in corporea specie Christum tentasse. Deinde ait, verisimilius



eri, per Satanam *Matth. 4.* intelligi hominem, uti & alibi in Scripturis fiat; hunc verbis alludit ad unicum textum *23. Matth. 16.* Ubi Salvator Petro passum dissuadenti dixisse legitur: *Vade post me Satana, scandalum es mihi, quia sapis ea, quæ Dei sunt, sed ea, quæ hominum.* Nemo est interpretum, qui ne in Scripturis Satanæ nomine Diabolum intelligi, & nonnisi per tropum, in præsentī textu, homini aliquando ob quandam similitudinem tribui. Quis veris hominibus Christo omnia regna mundi ostenderit, promiseritque? quis eodem petere ausus sit, ut se adoret? quis ex eremo per aera translatum Christum ex templi pinnaculum constituerit? Ludunt nimirum & eludunt Divinæ Scripturæ ac Beckerus ac Thomasius, quod Theistarum, ac Atheistarum facinus est.

§. VI. Alterum §. 32. in cit. Th. ita proponit Thomasius: *Si Diabolus possumere corpus, falsa esset assertio Christi, quod spiritus non habeat carnem & ossa, & tum foret argumentum, quo Christus voluit uti ad convincendos discipulos.* Pessimum hic Thomasius Sophistam agit. Apostoli Corpus Christi post resurrectionem gloriose ob subtilitatem suam nunquam antea ullo sensu a se perceptam, pro spiritu errore habuerunt. Christus Dominus errorem Discipulos dedocurus palpare suum jubet dicens: *palpate & videte, quia spiritus carnem & ossa non habent* *24. & 39.* quo convincere eos voluit per gloriam resurrectionis pristinum corpus carne & ossibus constans non fuisse sublatum, sed immutatum, ideo verum hominem esse, qui fuerat antea. Quid Thomasius ex verbis Christi querit? Si spiritus malignus corpus assumeret, ille corpus ex carne, & ossibus actum evaderet, quo nihil absurdius cogitari potest, quodque hæresin Evangelicam sapit. Anima spiritualis hominis assumit corpus, carnem & ossa habet, illudque informando hominem constituit; an propterea ipsa carnem & ossa habet? spiritus increatus seu verbum divinum naturam assumpsit humanam, idcirco desiit esse Deus, & spiritus, & in naturam conversus est humanam? Insuper Ictus ille Halensis in eo, quod asserat, Cacodæmones vera semper corpora humana vel aliorum animalium assumere, rarius hoc fit. Corpora ex aliâque materia molliore fabricata, quæ hominis aut alterius animalis ex natura solum speciem referunt, plerumque induere solent.

§. VII. Tertium §. 33. sic sonat: *Non potest Diabolus turbare potentiam, & naturæ invisibilis; ergo non potest corpus assumere, tempestates excitare, bonum per aera transferre:* Mira sane consecutio ex antecedente falsum supponit contra veritatem deducta! tempestates in aere, terra, marique ex casualibus oriuntur: dum autem fiunt, an ordo naturalis, & potentia universæ invisibilis turbatur? minime. Fac etiam turbari: Diabolus vires causarum omnium quovis sagacissimo homine melius perspectas habet, cur illas ita conjungere velit, ut vi conjunctionis tempestates, aliique effectus naturales sequantur? Certe non ille ignem depluere, quo Jobi greges absumti sunt: excitavit ventum, & vehementia domus ejusdem eversa omnes liberos oppressit *Jobi 1.* Angelus Prophetam Habacuc capillis apprehensum ex Judæa in Babylonem cum messoribus præparato transtulit. Et cur spiritus malus non possit magos suas per aera vehere? quamvis non toties reipsa vehat, quoties ipsimet fieri existimant.

§. VIII. Videtur hoc tertium Thomasio argumentum illud ipsum quod Beckerus hisce effert : *Angeli utpote spiritus non possunt agere in corpora : tur neque illa possunt assumere.* Eo Beckerum , Thomasio ipso teste , corpulenta Philosophia præcipitem egit. Erroris illum mille convincunt facta. Spiritus increatus naturam corpoream condidit , conservat & etiamnum movet , usque modo operatur Joan. 5. Anima hominis, qui spiritus est, corpus quod inhabitat , vivificat , & quaquaversum movet. Spiritus Cælicus occidit omnem progenitum in Ægypto *Exod.* 12. removet lapidem a sepulchro Christi *Matth.* Orcinus contra spiritus puerum insedit , allisit , in terram volutavit , in ignem & aquam coniecit , & multum discerpfit *Marci* c. 9. Dæmonum legio porcorum gregem invasit , & in mare præcipitavit. *Matth.* c. 8. innumera alia mittimus. An non hoc est in corpora agere ? At negat Minister ille Hollandus a Dæmonibus recensita fuisse peracta : Verbum Dei illa facta Dæmonibus adscribit : neque ille nihilominus , sed hac ipsa sua obstinatione sese , quis , qualisve sit , omnino manifestat. Redimus ad D. Thomasium.

§. IX. qui §. 34. argumentum quartum male sonans , & pessime ob hoc affert : *Non coherent , quæ boni homines de tanta potentia Diaboli in naturam visibilem garriunt cum aliis fabellis , eoquod possit crepitu ventris expelli &c.* Cum tamen hoc genus exorcismorum præter suum Lutherum astruat alius nemini. D. Thomasio cum hac objectione illuc remittimus.

§. X. Quinto loco ait §. 35. *Nullus effectus est , nullus usus fæderis diaboli neque ex parte hominis , neque ex parte diaboli.* Sed facilis est responsio. Ex parte hominis est consecutio certi finis ab indomito affectu suggesti , qui vel est ambitio , vel expletio libidinis non quidem cum ipso semper Dæmone , cum certis humanis personis , quas insanus amor deperit , aut pecunia certo usu & modo ope stygis obtinenda , ad quæ tria facile cæteras cum Dæmonibus conciscentium intentiones reducere poteris. Ex parte Dæmonis autem est stragem humanorum corporum & præcipue animarum , quas ex odio in Deum velut Leo rugiens devorare sine intermissione quærit , & amplificatio regni sui tartari in quo Divinos sibi honores arrogat. At homines sine pacto stygio prædictis finibus potiri possent ? fallitur Thomasio : plurimis enim intenti finis consecutio sine Dæmonis auxilio aut perquam difficilis , aut impossibilis est ; facilius non adeo difficilem , atque possibilem : malunt sæpe perversi homines illis viis habere , quæ licitis queunt. Ita multi honesto labore victum sibi periculis haud difficulter possent , quam difficillimis , ac periculosissimis non raro fraudibus malunt.

§. XI. Sextum & postremum ex multis §. 36. conflat. Immo enim non stultum putat esse Diabolum , ut pactum cum homine ineat , quod jam in mancipium sit , qui voluptatis , avaritiæ , & ambitionis mancipium est. Minus ligatur , qui duplici tenetur vinculo , quam qui uno : nec tam facile Dæmonis mancipatu elabatur , qui velut homo ligius sacramentum illi speciale dedit quam qui cæco affectui seductionis aut ætatis vitio ad tempus duntaxat incedit : Magiæ addicti vel alio pacti obligati majori studio , & ex officio quod



nas orco lucrari satagunt, à quo cæteri flagitiosi suo tantummodo gemitu  
res sapissime abstinere. Vide § mox præced.

§. XII. Secundo ait : Dæmonem per Magos aliosque pactistas suos dam-  
na dare fidelibus non posse : Infidelibus autem, & iis, qui vitam viventes  
etiam ejusdem servi jam sunt, ut noceat (si tamen possit) frustra adhibere  
Magos, cum id per se facere possit. Primum oppido falsum est, Dæmon Jobo  
que filiis probis atque fidelibus nocuisse plurimum scimus. Expetivit etiam,  
Discipulos Christi, Petrum præprimis cribraret sicut triticum *Luc. 22. v. 37.*  
ut fidelibus damna inferre valeat. Potest quoque infidelibus & flagitiosis  
potiori, cum amplior illi a Deo detur in eos potestas. Durissimum est Dia-  
bolus : gaudet miseriis hominum, quas coacervat, ut in impatientiam,  
invidia & blasphemias contra Deum, aliaque crimina pertrahat. Esto solus  
damna dare possit, volupe illi est, fidos sibi ministros in operis societatem  
habere : imitatur Deum, qui tametsi omnia solus efficere in natura nullo possit  
modo, causarum nihilominus secundarum opera efficit longe plurima & fere  
omnia.

§. XIII. Atque ista sunt Wieri glaucomata, quæ celebrem alias Thoma-  
sum sua facere non puduit. Reinaldus Scotus alia quædam super adjicit. *Primum*  
nissa Magia Dei opera e. g. excitatio tempestatum tribuerentur Diabolo.  
Diaboli per Magos efficiunt, Deus uni suæ omnipotentiae non reservavit:  
sunt isti effectus ex causis plerumque naturalibus, quas Dæmones posito  
magico ita conjungunt, ut effectus desideratus (nisi Deus speciali modo im-  
petrat) sequatur necesse sit. *Secundum.* In V. T. nulla fit Sagarum & Mago-  
rum mentio, neque ulla a Christo sanata & reducta legitur. Primum est falsum,  
lex sequenti capite elucescet : alterum nihil evincit, nam etiam nihil legi-  
tur de hepaticis, pulmoniacis, aut podagricis a Christo perfanatis, qui tamen  
ibi existunt. *Tertium* Diabolus non habet corpus : igitur pacisci nequit.  
neque Deus corpus habet, qui tamen cum Israelitico populo inire pactum  
fecit & voluit : Cacodæmon corpus visibile potest admittere, id quod ad fæ-  
dus cum homine visibiliter pangendum sufficit.

## C A P U T I I.

### *Existentia pacti dæmoniæ invictis argumentis stabilitur.*

Argumenta ex Catholicis Authoribus contra Wierum collegit D. Benedi-  
ctus Carpzov Lutheranus & præclarus Jctus in sua nava practica rerum  
magicalium parte 1. q. 48. Primum & facile princeps sumitur ex autoritate Di-  
vi in SS. Scripturis, quæ frequenter Magorum meminerunt, quorum aliqui  
in Moyse mira patrarunt *Exod. 7.* Somnia interpretari solebant alii *Dan. 2.*  
sicut Jeremias populum ne audiat Divinos, Somniatores, Augures & Malefi-  
cos. *Cap. 27.* Quin necare maleficos ejusmodi jussit Deus *Exod. c. 22. & Levit. 20.*  
Sic igitur crimen nigræ Magiæ, & qui eidem addicti sunt, homines.

§. II. Assurgit Thomasius, & contra opponit : Magorum illorum neminem  
fuisse cum dæmone pactum, neque hujus Scripturam facere mentionem. Mira

artificialis: Pœnam mortis Cœleste Numen non ob Magiæ Dæmoniacæ, sed Idolatriæ crimen statuisset. Parum aut nihil a blasphemii istæ responsiones recedunt ita aperte Dei Verbum in sensum plane alienum impie detorquent. Ad id estum & commercium Magorum Ægypti cum nigro genio satis superque scriptum & ipsorum factorum natura manifestat. Nam primo dicitur *Exod. 7. v. 11.* quod mutationes virgarum in colubros, & aquæ fluminis in sanguinem Magi incantationibus effecerint: quid est autem omnium voce incantatio, quam men, quo Dæmon ex prævio pacto ad producendum desideratum effectum incatur? Deinde quando Magi in productione pediculi à Diabolo sese deserviderunt, omnes exclamarunt: *Digitus Dei est hic. Exod. 8. v. 19.* fassi, Dæmonis artes Dei virtute esse devictas. Denique quis unquam ante vel post tempora Magorum Ægypti intra spatium unius aut paucorum momentorum ope Magiæ naturalis aut artificialis baculos in vivos serpentes, & aquam in præterbente flumine ad multarum horarum spatia convertere novit?

§. III. Addimus: si Magorum mira neque a Deo, neque a Dæmone, naturali arte producta fuere, igitur id ipsum de prodigiis a Moyse & Aaron patris dici eodem jure poterit. Atque eo omnia horum hominum studia sperare haud temere arbitramur, ut nimirum omnibus miraculis Divinis & operibus quæ præter communem ordinem a Dæmonibus per seipsos vel magos fiunt, nihilum redactis, cuncta ad communes naturæ vires reducantur, sicque Thomas ant Atheismus in orbe triumphet. Vix non id Thomasius confitetur, dicitur §. 16. *citt. Thef.* differentiam, quæ communiter de operibus super-præter- & naturalibus, & inter Divinam & Diabolicam potestatem afferri solent, meras nugæ & principiorum petitiones appellare non veretur.

§. IV. Alterum quoque falsissimum est, quod Deus *Exod. 22. & Lev.* Magis non ob Magiæ, sed Idolomania crimine mortis pœnam dictaverit. In utrumque textum! prior sic habet: *maleficos non patieris vivere*: posterior ita: *five mulier, in quibus pythonicus vel divinationis fuerit spiritus, morte moriatur, lapidibus obruent eos.* In neutro textu, neque in contextibus sermo ullus de Idololatria est. De Magia hos versus Rex Saul, qui non Idololatra (quos in regno suo non habuit) sed dæmoni familiares Magos & Ariolos de terra erasit, atque Pythoniam in Endor propterea in summas angustias conjecit *1. Reg. 28. v. 9.* & Scripturæ Interpretes tam ex Rabbini, quam ex SS. PP. intellexerunt ad unum omnes. Hinc vanum est novum Thomasi effugium, confundi a nobis Magiam Diabolicam cum Idololatria; nam hæc illius species est; aliqui enim Magorum Diabolum pro Deo suo insuper adorant, & ita simul Magi & Idololatræ sunt; hoc autem non faciunt omnes: omnes vero pactis Cacodæmoni obligantur, & contra ille isti

§. V. Legi Divinæ congruunt gentilium mores, quibus sola ratione duce hominum haud pauci in sortilegos & arti Magicæ addictos capitis sententiam protulerunt, ut legere est apud Platonem *L. 11. de LL.* Tacit. *L. 2. annal.* Val. Max. *L. 6. c. 3.* Amian. *L. 26. Rev. gest.* Plutarch. in *Antaxerxe* & alios plures. Clam pro Wiero Thomasi, commisceri quæstiones de existentia Magorum cum Da



paciscentium, & de pœna Magiæ naturalis & artificialis: mores itidem cum jure naturæ commisceri. Ast futile sane excusatio. Ex citatis scribis constat, Persas, Romanos, & nullos non alios populos pœnam a Magis oniacis poposcisse, quorum existentiam & artes certis habebant experimētoratissima. Moratiores omnes gentes illæ erant, quam ut honestæ sciētiæ qualem subtiliori Minervæ assuetæ Magiam naturalem esse noverant, ultimum supplicium decernerent. Mores illæ suos congeniti sibi Juris naturæ Legibus suffulciebant.

VI. Sequuntur Latores Civiles, qui & ipsi Veneficos & Magos capitis ant §. 5. *I. de publ. Jud. L. 13. ff. ad L. Corn. de sicar. LL. 3. 5. 6. 7. C. de & Mathem. Criminal. Carol. V.* Tria oggannit adversarius. Leges de iis, qui veneno occidunt, ad quod Diaboli ope opus non est. Eadem nullo pacto Dæmoniaco mentionem ingerunt, sed tantummodo Augurum, Aurum & Astrologorum scilicet Judiciariorum. Denique Civiles Leges non magis existentia alicujus criminis civilis, ac cujuscunque alterius entis possent. Paris cum antecedentibus replicis istæ sunt furfuris; *Primam* enim & *dam* manifestæ falsitatis arguunt citt. LL., quæ veneficum i. e. occisorem veleris verbis a Mago Dæmoniaco discriminant, pœnasque suas in eos, qui his artibus salutem hominum infestant, pudicos animos ad libidinem deflectunt, divina, elementa damno hominum & animalium turbant &c. &c., dirigunt. Hæc autem omnia sine pacto cum Dæmone ejusque adjutorio nulla ratione possunt; vi hujus enim luridissimum hoc genus hominum signum Magicum Dæmone conventum, nullamque vim effectum producendi suapte natura habet, quod posito Dæmon occulta manifestat, sanat, nocet, aliaque operatur. *Postrema* est summis Regnantibus maxime injuriosa, dum publica eorum de Magiæ existentia fides in communibus Legibus facta petulanter contemnitur, illique insignis insimul imprudentiæ insimulantur, quasi publicas constitutiones, quibusdam pœnas, quæ neque existunt, atque insuper neque existere possint.

VII. Succedunt SS. Canones *Causa 26. q. 5. & CC. Ancy. Tolet. 4. Agath. g. 4. Anquivensi* aliisque desumpti, & omnia sortilegia, quævis cum styge merca sub gravibus pœnis Eccl. proscribentes. Accedunt denique tot pro criminales in universa Europa adversus Magos Sagasque Dæmoniacas olim acti, quorum plurimis notissimus Nicolaus Remigius Ducis Lotharingiæ Conatus affedit. Canones Thomasio aniles fabulæ sunt. Remigius homo illi furiosus, & turpe Cleri Papistici mancipium.

Judica nunc B. L. an non hoc arguendi respondendique genere, Diaboli, animæ, quin Dei ipsius existentiam audacissimus quisque negare posset; dicet Dæmon, Anima, Deus Spiritus essent; Spiritus autem in naturam corpoream agere nequit. Scripturam, ubi de iis occurrit mentio in alium omnino sententia torquetur: Leges contemnet: Canones & CC. pro anilibus fabulis habebit: unum omnium sensum veluti superstitiosum & præjudicia a pueris male deridebit. Atque illud demum est, quo Diaboli, & Diabolicorum hominum opera potissimum diriguntur.

POSI-

# POSITIONES

**EX JURE CANONICO PUBL.** 1. *Persona summi Pontificis accusari non potest.* 2. *Ecclesiae Christi competit Imperium merum.* 3. *Non tamen potestas in terras alienas, ut docet Hostiensis in Cap. 8. de Voto.* 4. *Hinc nec per se, nec per Christi Principes infidelium invadere regiones potest praecise ob Idololatriam.* 5. *Neque directum cogere ad suscipiendam Christi fidem.* 6. *Judaei data semel fide recepti expelli sine causa non possunt.* 7. *Ex Pace Religiosa & Westph. frustra Religiosi apostatae subsidium quaerunt, quo minus repeti possint.* 8. *Annatas Concilia Constantiense & Basil. nec non Concilia Germaniae iustificat.*

**EX JURE PRIVATO AD LIBRUM V. DECRETALIUM.** 1. *Simonia a Jure D. & Eccl. prohibita est.* 2. *Ad banc constituendam sufficit etiam munus aliquod, aut munus ab obsequio.* 3. *Ab eadem tamen remota sunt Jura stolae, stipendii Missarum, redemptio Pallii &c.* 4. *Leges Heterodoxorum libros prohibentes, licet in eodem quoad omnes rigore, in Germania obtinent.* 5. *Procurare abortum fœtus amittere sicut & exponere infantem in loco solitario parricidalis immanitas est.* 6. *Probabile tamen licet fœminae ad declinandam solo hoc medio infamiam exponere sobolem in loco solitario.* 7. *Qui liberi taliter expositi, si Parentes ignorantur, rectius habentur legitimi.* 8. *Abortum propria auctoritate susceptum nunquam licet.* 9. *Illicitum pariter est occidere luminiatorem.* 10. *Licet contra mutilare aut occidere injustum aggressorem vitae, membrorum, & honorum magni momenti servato moderamine inculp. tut.* 11. *Pœna homicidii voluntarii etiam simplicis capitalis est.* 12. *Immunes ab irregularitate sunt qui sine auctoritate occidunt auctoritate privata, secus si publica.* 13. *Fornicatio etiam simplex a Jure D. & N. gnat.* 14. *Prolem ex ea natam alere debet fornicator.* 15. *Verbum stuprum a Jure D. & N. gnat.* 16. *Qui in extrema vel quasi extrema necessitate surripit alterius, nec culpæ, nec pœnæ subjacet.* 17. *Neque illam postea, si in necessitate contrita fuerit, restituere tenetur.* 18. *Usura strictè talis prohibita est omni Jure.* 19. *Modus strictus fit licita multis titulis v. g. periculo amittendæ sortis, statuto Magistratus.* 20. *Senat. Consult. Maced. filium familias pro utroque foro tutum reddit.* 21. *Emptio census re - & irredimibilis licita est.* 22. *Pactum vero Anticbreticum, Anatocisticum, contractus Mobatra usuraria sunt.*

## PRÆSIDES

R. P. PETRUS GALLADE, Soc. JESU, SS. Theol. & SS. Canon. Doctor eorumque in Alma & Antiquissima Universit. Heidelberg. Professore & Ordinario,

## DEFENDET

IGNATIUS WINDISCH, ejusdem Soc. Ss. Theol. & Ss. Canon. Auditor Heidelbergæ in Aula Academica Novi Wilhelmi

Die 18. Januarii 1764. Horis ab octava matutina consuetis.

Typis Joannis Jacobi Hæner, Typographi Aulico-Academici.